

宋

會

要

宋會要 權易

二作元

務貨一貨物

太祖乾德二年謝京師建安漢陽蘄口並置權場開
寶三年八月詔建安軍權貨務應博易自今客旅將到
金銀錢物等折博茶貨及諸般物色並止於揚州納下
給付客旅博買色件數目憑由令就建安軍請領令監
權務職方郎中邊珣赴揚州與本州同共於城內起置
權貨務其同監殿直光表即止在建安軍監當管勾二作
務貨兼權知軍務事每有客旅折博據數仰邊珣出給憑由給
付客旅將赴建安軍請領仍仰鄭光表見本務公憑驗
認驗認色數便仰逐旋支給不得邀難停滯商旅太宗
太平興國二年正月三司言準敕於松江起置權貨務

合行起定茶貨條禁欲頒下諸州府施行從之 三月
監在京出賣香藥場大理寺丞樂冲著作佐郎陶邠言
乞禁止私貯香藥犀牙詔自今禁買廣南占城三佛齊
大食國交州泉州兩浙及諸蕃國所出香藥犀牙其餘
諸州府土產藥物即不得隨例禁斷與限令取便貨賣
如限滿破貨未盡並令於本處州府中賣入官限滿不
中賣即逐處收捉勘罪依新條斷遣諸迴綱運并客旅
見在香藥犀牙與限五十日行鋪與限一百日令取便
貨賣如限滿破貨不盡即令於逐處中賣入官官中收
買香藥犀牙價錢折支仍不得支給金銀匹段所折支
物并價例三司定奪支給應犯私香藥犀牙據所犯物

處時估價紐足陌錢依定罪斷遣所犯私香藥犀牙並
沒官如外國蕃客公私人違犯收禁勘罪奏裁不得依
新條例斷遣應干配役人並刺面配逐處重役縱遇恩
赦如年限未滿不在放免之限應有犯者令逐處勘鞠
當日內斷遣不得淹延禁繫婦人與免刺面配本處針
工充役依所配年限滿日放二千以下百文已上決臂
杖十五百文已下逐處量事科斷二千已上決臂杖二
十四千已上決臂杖十五配役一年六千已上決脊杖
十七配役一年半八千已上決脊杖十八配役二年十
千已上決脊杖二十配役三年十五千已上至二十千
決脊杖二十大刺面配沙門島二十千已上決脊杖二

物一作務

務一作物

舶一作泊

十大刺面押來赴闕引見應諸處進奉香藥犀牙即令
於界首州軍納下具數聞奏其專人即賫表赴闕先
是外國犀象香藥充物京師置官以鬻之因有司上言
故有是詔三年十一月詔遷南劍州權貨場于福州
五年正月命三司戶部判官戶部員外郎高凝祐都大
提點公江諸處權貨物右補闕梁商提點諸處權貨物
十一月以兵部郎中許仲宣監大名府折博務六年
三月差右贊善大夫王矩監青州權貨務雍熙四年六
月詔兩浙漳泉等州自來販舶商旅藏隱違禁香藥犀
牙懼罪未敢將出與限陳首官場收買淳化三年十
月以三司鹽鈔副使雷有終兼充江南諸路茶鹽制置

使左司諫張觀監察御史薛映並充副使官帝以收復江南嶺外已束茶鹽之價不等犯禁私販者多陷刑辟故特委有終等就出鹽產茶之地取便制置務要便於民而利於物也四年二月詔在京權貨及諸道商旅等項以向南州郡聲教未通於松江置立權務近聞積弊多有邀難抑配陳茶虧損商客今既混一須議改更已差使臣往彼就便指揮其自來松江權務並令停廢許客旅各就出茶處取便算買新茶兼已據地里遠近減下價錢仍免放自江已南緣路商稅及今嚴切鈐轄出茶處場務不得住滯及有乞覓其禁權茶鹽條例并算買交引一切依舊施行如有客旅已入交引算買舊

榷場茶貨者亦許客旅取便 先是秘書丞劉式上言
榷務茶陳惡商賈少利歲課不登望盡廢之許商人輸
錢京師給券就茶山給以新茶縣官減轉漕之直而商
賈獲利矣帝從之先遣雷有終等乘傳按視因降此詔
七月詔近以沿邊榷務積弊年深特行傳廢俾出產
之處就便開場如聞商客多有疑惑憚渡江之遙遠阻
常歲之經營將允羣情須仍舊貫應緣江榷貨務並令
依舊其諸路茶鹽制置司今停廢應茶貨並依舊例施
行般赴逐處 先是上言者以茶法未便累陳章奏請
廢緣江榷務時亦有叶同其議者帝勉而從之制下之
後商人疑惑物議稱其不便改法方及半年三司較比

虧數已多遂復舊制 至道元年八月鹽鐵使陳恕西
京作坊使楊允恭等言近准敕松江權貨務茶一依元
敕賣與客旅所陳事件問難可否從長議定臣等商量
所欲通商過江取茶元陳須是減落價例客人方肯過
江及喚到商旅陳斌等衆稱須得淳化四年減落價錢
方可過江算買以此相度若減價則虧失官中課額不
減則商旅不願過江且乞依舊般茶赴權務出賣免虧
課利詔曰筦權之權制置已久實公私之俱便於出納
以為宜近者劉式抗章輒欲更改及徧詢於商旅則頗
異於陳奏况主計之司以為便審詳其理利害昭然宜
遵守於舊規庶允符於衆議已令三司茶貨依舊權貨

務出賣其劉式所奏並不行 二年十一月江淮發運使楊允恭言相度到自湖南至建安水陸諸州茶鹽利害并進沿江地圖乞下三司計其給本採_捕煎煉之外所獲實錢都數從之 三年九月詔西川峽路州軍自今應收酒稅鹽諸般課利並據合納課額只令送納見錢不得更折金銀匹帛如官中闕用即轉運司於合收買州軍依本處見賣時價置場收買仍取情願不得抑勒及虧價錢時川陝寇盜之後議寬民力故有是詔真宗咸平二年九月江淮制置茶鹽度支員外郎王子興言江淮兩浙賣茶鹽都收錢三百九十七萬餘貫比高額增五十萬八千餘貫 六年八月以光祿寺丞王彬往公

景德元年十月
條移此

江并淮南諸州軍提舉榷貨務茶場等處賜錢五十
千 景德二年二月三司言請募人於陝西入粟鎮
戎保安軍環渭延原慶州比河北定州等處涇原儀邠
秦隴鳳州比河北洛州等處永興軍鳳翔河中陝府同
華解乾耀丹坊號成階州比河北懷州等處從之 三
月二十四日三司言請令河北轉運司有輸藁入官者
准便糴粟麥例給八分緡錢二分象牙香藥其廣信安
肅北平粟麥悉以香藥博糴時邊城頗乏兵食有司請
下轉運司經度之帝曰戎人出境民初復業若責成外
計不免役兵飛輓何以堪之因命祠部郎中樂和乘驛
與轉運使同為規畫還奏請以香藥博買遂從其議出

內帑香藥二十萬貫往彼供給 五月二十一日權三
司使丁謂言往者川峽諸屯兵調發資糧頗為煩擾而
積鹽甚多因募商人輸粟平直價償之以鹽今儲廩漸
充請以鹽易帛綿詔諸州軍糧及二年近溪洞州及三年
者從其請 八月河東轉運司言晉州折博務望罷專
監官止委通判監當稍為簡便從之 九月三司請許
商賈於河北河東陝西州軍依在京例納見錢金銀每
實錢五十五貫給海州實錢茶百貫從之 十二月監
榷貨物供備庫副使安守忠等言解鹽元許客人從本
務入中金銀絲帛博買交引就兩池請鹽於南路唐鄧
等十二州軍通商地分貨賣自因河北關錢銀糧草許

客人只就彼入中費文抄赴京翻換帖下本務支給解
鹽又因陝西許客人中糧草取客從便算射茶鹽交引
算解鹽者亦從本務翻換支給交引赴兩池請鹽並
於南路破貨自咸平三年六月禁斷青鹽通放解鹽於
鄜延等二十一州軍許客旅入中糧草興販及許於南
路唐鄧等州貨賣其逐州軍所入糧草又虛擡時估重
疊加饒又却支解鹽極多以此隔絕客旅在京全無入
納金銀錢帛虧損權課至六年十二月勅依戶部副使
林特擘劃商賈算射解鹽於唐鄧十二州軍貨賣並令
入納見錢應副陝西諸州支用至景德元年十月再准
勅三司衆官定奪其唐鄧等十一州軍南鹽依西監等

第價例許客於逐州軍人納見錢鈔銀實價糧草直廢
交引赴解州權監院請領更不入京釀換其客旅將到
未改法已前交引請領解鹽每席並納錢一貫一百文
足所有客旅人戶販買到鹽貨但係見在未賣席數並
依慶州青鹽唐鄧州白鹽例每席量收歇馱商稅錢一
貫一百文足本務勘會自此勅施行後在京支算解鹽
交引至少並無收納^到金銀錢物竊以唐鄧等十二州軍
解鹽課利元許客於在京權貨務入中金銀錢帛紐
算交引就解州兩池權監院請鹽往南地興販所收錢
物並供在京支用累年已來河北陝西關須驟行改請
許客就彼入中漸生欺弊高立物價重疊加擡饒潤大

銀糧

過是數通年大段枉支却鹽貨不見實收得錢物虧損
官中課利近歲更改雖然許納錢銀實價入中糧草亦
未濟得闕下支瞻竊知陝西即今不闕見錢給遣其唐
鄧等十二州軍南鹽理合却歸在京入中錢物添助支
用今欲乞却許客人鋪戶依舊例於在京權貨務入中
金銀見錢綾絹綿紬布等依去年新定則例算買交引
往解州取便於池場請領解鹽依舊只於唐鄧金商均
房襄蔡隨郢信陽光化等十二州軍通商地分破貨即
不得將帶過陝西州軍所是陝西諸州軍入納錢糧草
草依舊直赴兩池請鹽只得於廊延環慶丹坊乾邠涇
原渭儀秦隴階成寧鳳州鳳翔保安鎮戎永興軍同華

此條移前景
德二年上

耀州等二十五州軍貨賣亦不得載入南路唐鄧等州
軍侵奪南監課利如此則在西與陝西各見得錢物支
用詔三司與定奪所同共詳定請如守忠所奏施行從
之景德元年十月勅定陝西州軍入中錢文則例沿邊
環慶延渭原州鎮戎保安軍七處監一斤價錢十二文
足一席率重二百二十斤計錢二貫六百四十文次遠
儀鄜州等二處一斤價錢十四文足一席計錢三貫八
十文又次遠邠寧涇州等三處一斤價錢十六文足一
席計錢三貫五百二十文近裏秦坊丹乾隴鳳階成州
鳳翔等九處一斤價錢十八文足一席計錢三貫九百
六十文又近裏同華耀號解州河中府永興陝府等八

處一斤價錢二十六文足一席計錢四貫四百文 三年五月香藥權易院言所賣第一等香每斤元估錢四貫文如入交引即五千今又令每斤增價百錢所慮市易者少有虧課額 帝謂王卿若曰此來禁權不許私販有司累曾定價所貴通商况享神之外別無所用可令依舊勿復增價 七月二十日三司監鈇副使林特官范使劉承珪請罷比較茶法仍乞不行酬賣從之 一國朝自乾興二年置權務茶諸州民有茶除折稅錢外官悉市之許民於東京輸金銀錢帛官給券就權務以茶償之後以西北用兵又募商人入粟麥材木於邊郡給文券謂之交引許就松江權務自請射茶邊郡所入直十

五六千至二十十者即給茶直百千謂之加橐錢然入粟木者亦有不知茶利至京多以交引鬻於茶州百千裁得二十餘緡謂之實錢輦下生賈逐蓄交引以射利謂之交引鍊歲月滋深沿江榷務交引益至茶不充給計歲入新茶一二年不能償其數其弊也如此至是邊陲罷兵儲峙豐積言事者多云榷法非便遂命特等議更其法特等名茶商十數輩牒以醪餽講貫公私之利乃謂依時價官收交引每茶價及百千人納實錢五十千其見執交引至榷務已得茶者量抽十之一但三年併赴務買茶即於正茶外兼還所抽以平其價行之一年帝慮未盡其要命樞密直學士李濬劉綜知雜御

史王濟與三司同較其利害時邊郡所入時估實價不一遂且以新法從事而權務納金帛歲較其數已多於前而上封者復言新法始行又命比較商旅眩惑不敢以時貿易及特等奏入即令權罷比較焉 三十日

帝曰昨定奪司條制茶事聞其過於嚴切有傷園戶朕已示諭令知園戶採撷用功須更得人手製造茶既逐等第給價八等者不可私賣亦是八官今一切須令本戶造化皆要精細豈不傷園戶耶又傭力者衆皆是貧民既斥去無用安知不聚為寇盜宜再與指揮務令通濟定奪司言此事實所未知今聞聖諭方曉其事 四年八月三司監鈇副使司封員外郎林特遷祠部郎中

皇城使勝州刺史劉承珪進領昭州團練使崇儀副使
江南都大制置茶鹽發運副使李溥遷西京作坊使並
以議茶法課程增益故也詔曰茗權之法抗幣浸深釐
改已來利課豐羨既規畫之斯定歸職分以攸宜其定
奪司公事宜令三司行遣不得輒有更改

大中祥符

二年六月三

司林特等上編成茶法貫條

其序

文已見茶
雜錄

六年二月三司言河北州軍入中糧斛價自前逐處隨意增長全無約束近委逐處都監監逐旬取市實價密申復又令承受使臣等每人見必具隨物色實直進呈由是便糴州軍不敢專輒增價帝曰平直物價最為要事可令三司常依此提舉九月詔河北榷務入中布其數至多用為博糴亦所未便自今除北界博易依舊外悉罷之七年二月三司言陝西入中糧斛交

抄併多富民折其價值既賤市之又復稽留有害商旅
致入中艱阻須有釐改用革其弊元定百千交抄官給
九十千今請依市人所買例每百千有加糧者官給十
二千無者官給十一千收市之帝慮奪民之利止令權
宜行之不得著為定式 八年六月上封言商客將公
邊入中報草交引赴京請錢權貨務須得交引鋪戶為
保識方許通下其鋪戶邀難客旅減剋錢物與本務公
人請廢鋪戶為保止令諸色人自賣通下又沿邊所發
客旅入中勘同案底亦令直赴本務通下監官當面開
折上簿拘管候客旅請到交引請錢畫時勘對合同支
與又請今後三司欲行改法先須令本務將未給交引

勘同案底申奏後方令改法仍告報客旅應未改法日
前其勘同案底已到務者只依未改法時則例支給又
請約束入中糧草州軍須管次日給俵客旅交引訖當
日內發遞勘同案底赴權貨務通下詔御史中丞馮拯
翰林學士王曾同定奪利害條奏仍三司詳定以聞
八月詔曰權茗之規著令已久固計入之素定非異端
之可攻載詳言事之人時進軍辭之說始陳封奏必煩
述於事端洎究指歸多未詳於本末自今群臣如有茶
法便宜當令顯拜封章盡述條目下有司詳議施行况
金穀細務非軍國事機自合歸於職司非朕所宜親決
今後事有陳述不得更乞留中敢或故違並當勘劾

初既變茶法言事者以為歲失課頗有害無利且獨便大賈而小商失據或請別置官屬專位其事內臣藍繼宗等亦屢言其非便帝以問輔臣丁謂言臣夙知利害願得與議者辯之及繼宗至請詢其始末悉不能對翌日以聞因降是詔十一月三司言今與三部衆官定奪入中勘同案底檢會河北河東便納客旅錢物支還已有元限十日行遣其陝西入中糧草錢物請定限五日支還行遣每進奏院承受得交引遞角今當日通下如有違慢各行勘斷其上交引條貫施行外有不便合改法者請自合改事件並從三司體量改更旋取朝旨從之

九年二月內侍藍繼宗言權貨務去年得茶

卷三萬七百九

交引錢百五十餘萬比新額虧十萬丁謂奏曰連年及
新額雖少比未改法則利倍矣且言自祥符已後歲及
二百萬萬以上八年少二十餘萬者以六年七年各納
過幾三百萬以是八年稍少今年正月比去年已盈三
十萬貫由是校之非茶法不便也 十月十五日 帝
謂宰相王旦曰茶鹽之利欲使國計不損民心和悅卿
等宜熟思之旦等曰緣屬邦計欲選差官與三司共定
奪臣等參詳可否帝曰可仍具草明述恤民之意翌日
下詔曰朕思與蒸黔共登富壽山澤之禁雖有舊章措
置之宜慮傷厚斂將期惠物無憚從寬專命朝臣參謀
邦計使共詳於通制庶俯洽於群心宜差會重觀副使

翰林學士李迪給事中權御史中丞凌策與三司同共
定奪務要茶園鹽亭戶不至辛苦客旅便於興販百姓
得好茶鹽食用仍送中書門下參聞并令權貨務告示
客旅應入中筭射茶鹽等一依例將來不得別生名目
致有疑誤虧損蓋欲濟人固非言利商旅等各安乃業
以佇於樂成有司等無棄予言免彰於掎克必當久可
遂遵行 天禧元年二月二日李迪等言客田昌於舒
州太湖筭茶十二萬計其羨數又踰七萬請下江浙制
置司問狀以聞又請遣使秤較商茶之踰數者計其半
沒官從之 五日知秦州曹瑋言本州商旅入中糧草
交引自来每一交引總虛實錢百千鬻之得十二千請

率一作準

卷一百九

於永興鳳翔官給錢市之從之二十四日帝曰茶法行之已久倘或難議改革但於其中酌其尤不便於民者去之傷於厚斂者改之自餘如舊可也又李迪等言陝西州軍入中糧草文抄自前官給錢十九千市之今民間鬻之率止八九千茶買絕利望官出錢三十萬貫市之以九千為率俟筭茶結課以數給還從之四月六日三司言權貨務入便錢物取大中祥符七年收錢二百六十一萬餘貫立為祖額每年比較申奏如有虧少千係官吏等依條科罰又在京馬料欲許商客入中每百千內五十千依在京折中斛斗例支還礬鹽交引從商客之便筭射五十千即支與新例茶交引並從

之 八日定奪茶鹽所言欲曉示客旅如要海州新茶
依近定到入中則例每百千數內入見錢四十千餘六
十千許以金銀匹帛絲綿等依時價筭買更無加饒或
入一色見錢亦聽從之 二十七日三司言在京修造
合支材木令陝西出產州軍所買外有十八萬九千二
百餘條欲令竹木務許客旅依時估入中每貫加饒錢
八十文給與新例茶交引從之 五月八日詔李溥乘
傳還本任據詳定所條奏事經度裁酌如無妨礙則施
行訖奏如事有未便則從長規畫以聞自是茶鹽法多
如舊制十七日又詔沿江權務二分耗茶特與依舊支
帝以詔面授李溥而諭之 七月定奪茶鹽所請罷

卷七百九

買陝西芻糧文抄別立久制許客入中從之 九月九日三司言江淮兩浙荆湖南北路州軍入錢及粟買未鹽望依解鹽例給交引付權貨務俟有商旅筭射鹽貨便書填姓名州軍給付從之 十三日定奪茶鹽所言近為在京商旅將陝西入中過沿江茶鹽交引至京商人收買慮虧損商人有悞邊備望於永興鳳翔河中府三處給見錢收買環慶等十三處入中糧草文字從之 二年正月三司言在京折中倉入中斛斛欲權住筭射江南等處未鹽交引止令權貨務入見錢逐州軍支給鹽貨從之 閏四月三司請令河沿邊權場增錢入中大方茶貨依舊例給交抄從之 十一月三司

見一併且

言陝西入中芻糧請依河北例每斗束量增直計實錢給抄入京以見錢買之如願受茶貨交引即依實錢數給之令榷貨務並依時價納緡錢支茶不得更用芻糧文抄貼納茶貨詔每入百十增五千茶與之餘從其請三年九月三司李士衡言京師每歲所用材木舊令陝西州軍給錢配買頗擾農民請自今在京置場許客入中給以交引從之因詔前欠官中木植錢者並除放四年正月屯田員外郎楊嶠請於秦州入中商賈芻糧就川界給見錢從之六月三司言六榷務積留茶貨望令般運三百萬斤上京五十萬斤赴海州及將逐處榷務正茶見充耗茶給遣帝令津般一百萬斤上

引別

京所般五十萬斤赴海州令制置司轉運司與海州同
定奪以聞餘從其請 五年五月詔令夏麥秋禾登稔
河北陝西邊儲務要廣蓄其以內藏庫見錢五十萬貫
付三司止得椿留引收入中糧儲交引自餘不得以錢
充給仍遣內殿崇班閣門祇候李德明專領其事 十
月審刑院詳議官國子博士尚霖言奉詔往陝西規畫
入中芻糧內有入中比元數過年一倍已上者望許監
官書厯為課從之 乾興元年十二月 仁宗即位未改
元三司言準勅詳定兵部員外郎范雍所言陝西沿邊
州軍入納見錢及茶鹽却出給解鹽交引令客筭買近點
邊諸處入中下茶鹽不少頗亦出賣不行兼所要見

檢治

錢亦可收簇課利及近裏那撥應副訪聞若沿邊入中
下斛斗出給交抄令往解州請鹽必大段有客入中况
兩池鹽數積壓極多復又減省得京中買客交抄甚為
利便望下沿邊環慶鄜延渭州鎮戎軍五處並令盤算
斛斗與鹽數饒借利息招誘有客旅入中有司看詳欲乞
下陝府西轉運司曉示客旅如願要請解州鹽貨即據
入中到斛斗依在市見糴賣的實價例依見錢體例紐
算給與交引請領解鹽只許依自来條貫通商地分貨
賣若或客旅願要上京請領見錢即依元降勅命每當
實錢百貫文到京支破見錢五貫文省收買如不願請
見錢即支與七貫文茶交引雍又言沿邊州軍每年合

銷酒米數目亦乞許客一依在市見糴賣價例入中細
算支與解鹽才候得及年計數目盡時住入所貴不至
每年將近裏州軍稅賦折變往彼勞擾戶民省司看詳
欲乞下陝府西轉運司曉示招誘客旅於沿邊涇原儀
渭鄜延環慶秦州保安鎮戎軍入中造酒米數取納下
處州軍在市見糴賣的實買例依見錢體例_紅細算給與
交引請領解鹽只許依條通商地分貨賣亦不得於不
係沿邊州軍入中請中雍所奏施行從之 仁宗天

中雍誤

聖元年正月中書門下言準內降聖旨今知邊上諸
處軍糧錢帛支贍不足此國家大事知等如何擘畫或
於中書樞密院共差三人與李諮已下同定奪茶鹽礬

稅條貫從長施行今欲令劉筠周文質王臻薛貽廓與三司使副等先具取索前後茶鹽課利錢數自來有無增虧開析聞奏當議相度別行差官定奪從之 二月定奪所言取索前後茶鹽課利比附到增虧數目詔樞密副使張士遜參知政事呂夷簡魯宗道與三司使副等同共定奪所奏內河北州軍人納糧草物色自來作分數支還茶貨香藥象牙即今街市例各大段減落價錢除茶貨已別作條約外有香藥象牙緣在京權貨務將河北交抄並依見錢出賣價例支還實錢其大中祥符五年後至天禧二年客旅筭請出外每百千街市賣得錢九十四千至八十二千已來自後漸次減落今

每百千只得四十千比自前并今來在市官賣價例較虧官近五十千蓋河北入納糧草物色近年以來本處於實價上倍添虛錢客入已獲厚利是致將來給得交抄赴京被興販人賤買下請却官中實錢香藥象牙並將博買處杭明廣州市舶司元破價例計筭已見虧折官本尚未言般運脚乘監官公人等請受諸般支費欲乞自今算請香藥象牙者每十斤為則今客旅於在京權貨務入納見錢十千共筭請二十千香藥象牙取便將於在京或外處州軍販賣仍仰推貨物分明出給公據交付及一面關牒商稅院候客人將出外處破貨即據數收納稅錢出給公引放行其河北舊抄自來貼納

一分見錢仍與免納所有將河北先入納下糧草物色
虛實錢筭請者只得依自来合支色額等第價例支給
即不得却依入納見錢體例筭射從之 三年八月中
書門下言累據臣僚上言茶法未便乞令客旅於邊上
入納糧草支與交引留得在京見錢免致般運勞費詔
翰林侍講學士孫奭夏竦同共詳定既而上言請同三
司使范雍詳定奭等言看詳峽西沿邊便納糧草欲且
依舊外河北入納糧草將一色見錢改作三色香茶交
引詔奭等再詳定如何斷絕盡錢不至虧官及改作三
色有無妨碍具經久利害聞奏 十一月二日奭等言
再詳定到河北沿邊州軍城寨便糴糧草支與香茶見

錢三色交引委得久遠利便其客旅於在京權貨務入
納錢物筭請茶貨欲於入納實錢內金銀物帛上等第
却與加饒所有十三山場筭請茶貨欲更不^貼射依舊
於在京權貨^物及本處入納錢物筭射及十三山場買
茶每年差使臣於山場秤盤欲今後只委制置司鄰近
差官並從之 十一月權三司使范雍言近據河北陝
西路轉運司狀為客旅知詳定茶法疑慮別有改更頓
少入中欲差幹事朝臣一員計會逐路轉運副使公邊
催促計置擘畫招誘從之 四年三月六日三司言陝
府西轉運司勘會轄下秦州所入納糧草取客穩便指
射赴永興鳳翔河中府及西川嘉邛等州請領錢數準

侯
一作侯

益州轉運司牒近就益州置官交子務書放交子行用
往諸處交易其為利濟當司相度轄下延渭環慶州鎮
戎軍等五州軍最處極邊長闕糧草入中客旅上京請
錢難為迴貨兼權貨務支却官錢不少欲乞許客旅於
前項五州軍依秦州例入納糧草於四川益州支給見
錢或交子取客穩便請領候有人中并計置到糧草得
及三年處盡時住納又據益州路轉運司狀相度若依
陝西轉運司前項擘劃事理於益州支給見錢或交子
別無妨碍若益州闕錢當司亦自於轄下有錢處州軍
支般或支交子經久委得穩當又知渭州康繼英言秦
州每年入中到糧草萬數不少只是招誘客旅出給四

川益州路交引或令於嘉邛等州取便請領鉄錢雖虛實錢上量有利息且不耗京師見錢及不煩本路支撥錢帛川中客旅將到羅帛錦綺赴秦州貨賣其秦州不惟增添商稅更兼入中到糧草今欲乞於本州如秦州例若有入中客旅情願要西川交引亦令本州雕板支給每一交引上比附秦州更給虛錢五七百文已來取便令於益州或嘉邛等州請領鉄錢所貴極邊易為招誘客旅若川中客旅既來則本州內外糧草自然豐足不廣費京師及本路錢物又必然倍增商稅省司今相度渭州屯泊軍馬不少支費糧草浩瀚秦州頗同今來康繼英所請只許客旅於渭州一處入納糧草如願要

上京請領見錢即便依天聖元年五月改法勅命填鑿
省降交引收附給付客人賣執上京權貨務請領見錢
若或願於川界請領鉄錢即依未改法已前入中糧草
支還體例錢數依秦州入中例出給交抄於西川四益州
或嘉邛等州請領鉄錢及交子使用如入納糧草及得
三年已上支遣即便住納仍委陝府益州轉運司相度經
久事理申奏從之是年秋三司言益州路轉運司奏
秦州客人入納糧草乞下秦州權住入中省司欲乞依
環慶等州例限至二月終權住入便秦州交抄從之
二十七日詔同詳定計置司樞密院副使張士遜參知
政事呂夷簡魯宗道各罰一月俸樞密直學士劉筠已

下各罰銅三十斤前三司使右諫議大夫李諮落樞密直學士依舊知洪州侍講學士孫奭以下及干繫官吏等並特放三司勾覆官勾獻依法決刺配沙門島並為改更茶法計置糧草前後數目不同事理失當致貨利不行故也 七月西上閤門使知雄州張昭遠言請下轉運司每至年終將四樞場入中到見錢銀布羊畜數目委官磨勘中書言先朝創置樞場非獨利於貨易實欲南北往來但無猜阻乃緩懷遠俗之意也今若逐年磨勘恐乖事宜 帝曰昭遠之奏不可行也 十月三司準勅定奪陝府西轉運使王博文等奏公邊州軍客旅入納見錢請領解鹽每席元納錢二貫六百四十五文

足別貼納銀一貫文足共三貫六百四十文足自後雖
量減錢數今體量得客旅亦為錢數高重盤筭不著
少有人納糧草况解州兩池鹽若不破官錢欲乞下陝
西轉運司相度沿邊州軍以近及遠各於地里上定奪
每席量減錢數許客人入納糧草請領解鹽所貴邊上
存得博糴入中錢帛別作支用又逐州並在邊遠客旅
為價高少有入納糧草數內環州保安鎮戎軍三處並
是極邊其鎮戎軍比環州保安軍道路稍得平穩是以
乞將環州保安軍道路險惡處量減價若依今來減定
逐年益價必甚有客入中三司相度欲依所奏施行其
入中南鹽即不得一例減落價錢從之 環州去解州

千一百二十五里先已每席上減錢二百文今欲更減
錢百文足鎮戎軍去解州千一百三十里先已每席上
減錢百四十文今欲更減百六十文已上二處係極邊
州軍已經減落去處今欲更減前項價例保安軍係極
邊元未經減落去解州千一百七十里比環州地里遠
近坡谷嶮阻頗同今欲依環州例於每席上量減錢四
百四十文足慶州去環州八百十五里去解州九百三
十里渭州去鎮戎軍百四十里去解州九百九十里原
州去鎮戎軍百七十里去解州九百六十里延州去保
安軍百五十里去解州九百九十里已上四處係沿邊
州軍未經減落處今欲於每席止各量減錢二百四十

文足十一月三司言據樞貨務中準勅命陝西州軍支給客人交到茶貨每十千特添一千乞依乾興元年勅支給茶貨仍不加槩從之五年五月三司言欲將自來人便準備糴買糧草錢加饒支還則例令河北河東陝西軍監依例便折此見錢交引直於在京樞貨務依入納見錢算買加饒則例翻換交引文字往指射去處請領忻州憲州嵐州石州寧化軍守嵐軍火山軍保德軍八處每十千加支三百每貫上到京剋下潤官錢五分汾州交城監平定軍三處每十千加支二百每貫上到京剋下潤官錢五文晉州絳州慈州隰州澤州潞州遼州威勝軍八處每十千加支百文免剋潤官錢

便不更
遂不關

六年十月三司言望許客入中黃松材木與茶鹽交
引從之 十二月二十三日三司言乞監雄霸州權貨
官自今並令河北安撫司保舉殿直以上使臣充從之
七年閏二月二日太常博士張夏言河北沿邊水災
州軍便糴糧草內三分香藥象牙請權給未監詔付三
三集議遂請其三十千者於香藥象牙內減五千給以
見錢從之 七月二十三日詔河北州軍自今廂禁軍
兵事與北客偷遞違禁物色并見錢及與勾當買賣捉
獲者內禁軍從違制定廂軍從違制失斷道並刺面配
廣南牢城收管 十二月三司言準傳宣陝西沿邊今
歲稍熟入中斛斗糧草累曾令將茶鹽折博入中且留

見錢在京只將茶鹽招客入中即添饒茶鹽步小潤人
省司看詳元勅蓋為陝西沿邊州軍地居山嶮道路阻
隘所要糧草難以輸運是以擘畫依每斗束確的見賣
價錢許客人便糧草給付客人交引上京請領見錢如
恐客旅情願便換外處州軍見錢或算請茶貨香藥象
牙顆末鹽白礬交引亦取客人自便將此見錢交引直
於在京權貨務依入納見錢算買加饒川招客納便見
錢準備諸雜支遣即不得更作準備糧糧草名目入
便其錢納赴軍資庫錢帛帳內管係充備諸新支遣令
轉運司勘會每年合銷雜支見錢除將諸色課利充備
外據的實所欠數預先拋降與逐州軍監招客人便依

下項支還則例指射請領候客旅執抄到京各隨路分
支請去處取客穩便指射所是合給交引內河東州軍
依先降指揮令逐州軍出給仍依例印造書填給付外
其河北陝西州軍即從省司依例給印降付逐處書填
入便候客人齎抄到京赴省投下並令上供案正勾支
還如今後逐州軍監所要糴置糧草見錢即依元降編
勅委自知州軍同判酌量一年合銷錢數下撥狀於軍
資庫支撥便據請到錢數月日並於本月糧草帳內正
行收附從之河北沿邊凡十四州軍寨支納見錢依等
第加饒則例支還更不剋納頭底潤官錢到京於在京
權貨務一文支還一文見錢定州廣信軍保州北平寨

四處每十千加支七百安肅軍真定府二處每十千加
支六百雄州莫州瀛州順安軍保定軍五處每十千加
支七百乾寧軍霸州信安軍三處每十千加支三百陝
西沿邊凡十一州軍入納見錢依等^第加饒則例支還更
不剋納頭底潤官錢到京於權貨務一文支還一文見
錢環州一處每十千加支一千慶州延州渭州保安軍
鎮戎軍五處每十千加支七百鄜州原州儀州三處每
十千加支五百涇州邠州二處每十千加支三百河東
州軍監入納見錢每十千依等第加饒則例釵換支還
在京及京東京西向南州軍見錢^并州每十千加支三
百代州每十千加支四百二處每貫上到京剋下潤官

錢五文依除外翻換支給京東西向南州軍見錢麟府
州依舊例每十千加支七百更不剋納頭底錢並支在
京權貨務見錢或情願算請細絹匹段絲綿並依見賣
實直價例支還即不搭定錢數算請如恐客旅情願便
換外處州軍見錢或算請茶貨香藥象牙顆末藍白礬
交引亦取穩便翻換交引文字往指射去處請領若客
人於本處中納糧草時願要茶貨即於抄前批鑒候到
京每價錢十千上更特添錢一千兼許客旅齎逐州軍
入納糧草文抄直於解州算請藍貨自來依此施行已
著輪序况緣陝西沿邊州軍糧草最處大事省司不敢
遽行改更慮恐客旅疑惑不赴邊上中納糧草別致闕

悞今具從初擘畫入便支還敕命及權貨務并解州天
聖六年一年支過見錢茶鹽諸般交引錢數開坐進呈
詔依元降指揮施行天聖元年五月敕定奪所奏陝西沿邊
州軍許客津般糧草赴倉場入納乃以逐月逐旬每斗
束權的見賣價錢紐計貫百等第加饒給付交引到京
一文支還一文見錢如情願便換外處州軍見錢或算
請茶貨香藥象牙顆末鹽白礬交引亦取客人穩便於
在京權貨務依入納見錢算買加饒則例翻換文引文
字往指射去處請又八月敕陝西沿邊州軍道路窄狹
峻惡即不同河北州軍水路地平易為般輦令別定逐
處入便糧草添饒錢數則例令本路轉運司依此則例

招誘客旅津艇夏秋色并隔新糧草赴倉場入納環州
一處每十千支十二千六百慶州一處每十千支十二
千二百延渭州保安鎮戎軍四處每十千支十二千鄜
原儀州三處每十千支十一千五百涇邠州二處每十
千支十一千又四年八月敕陝西便糴糧草客人不願
請領見錢情願要請茶交引者仰逐州軍於交引收附
前面書寫候到京依入納見錢體例支還茶貨每十千
上特與添錢一千足在京榷貨務及解州天聖六年正
月一日至十二月終支過陝西沿邊州軍便糴糧草見
錢茶益諸般交引錢二百四十七萬六千三百二十七
貫二十六文九折納茶稅錢十三萬一千五百七貫九百九十二文

客人於在京權貨務請過見錢百五十四萬四千八百
十九貫三十四文客人於在京權貨務齟換請外州軍
見錢并茶鹽交引及直於解州請領鹽貨七十四萬七
千四百六十三貫四百文客人於權貨務齟換算請過
交引并折納茶稅十六萬七千二百八十五貫七
茶交引三十萬七千四百七十五貫文末鹽交引九萬
四千三百八十八貫七
百文類鹽交引十一萬一千六
百六十五貫二百文便換外州軍見錢六萬六千六百
四十八貫八百文充折茶稅錢五十萬二千六百五十
七貫一百文客人於權貨務算請茶交引四十八萬八
千五百十七貫二百文陝西沿邊州軍客人情願算請

茶交引萬四千一百三十九貫九百文客人納下糧草
抄字給到本州三月後來文抄支給茶交引二十九萬四千

六百九十八貫五百三十四文客人直於解州筭請過鹽

七萬四千六百七十六席 四年三月詔秦州據每年

合要酒米麴麥並許客旅入中依自來本州入中軍糧

白米小麥例紐筭每交入納石斗錢數貫百支與川界

嘉^印州軍請見錢鉄錢如或客旅願要筭請解鹽即

依近教每斤作十八文足支還 五月十六日三司以

京師營繕材木仰給者衆許商人入竹木受茶以易直

從之 十一月三司言準 六年九月教許客旅於在

京入中大豆三十萬碩粟二十萬碩已入中到大豆二

十七萬七千餘碩粟萬五千餘碩後來為粟豆價高指
揮住納今秋豆粟價賤勘會馬料粟豆見在數無多欲
於在京折中倉許客人中大豆三十萬碩粟二十萬碩
一依舊例除依時估價例每斛上添饒錢十文紐算價
錢每一百貫為則內七十貫算請解州顆鹽即依在京
入納見錢體例每七百文支一貫文引三十貫支向南
州軍末鹽即鹽上更不減價亦無加撻所有上件末鹽
三十更於權貨務貼納見錢三十貫文亦依本務納見
錢體例每貫上加撻錢八十文共六十二貫四百文
給向南末鹽交引仰折中倉招誘客人入納新好斛斛
書填客人姓名斛斛數目時旬價例并添饒錢數附帳

月分出給合同收附開抄內一本倉抄給付客人令具
狀聲說乞支物色名目去處赴省投下餘一本收附開
狀逐日上厯具狀繳連實封於三司開拆司投不發斛
斛司收領依條限行遣送勾院支還如此闕防必不致
虛偽仍與充在京榷貨務課例從之 景祐三年五月
十四日詳定茶法所言檢詳天聖元年舊制商人皆自
東京榷貨務納錢買荆南海州榷貨務茶每價錢百貫
聽納實錢八十貫如就本州榷貨務納錢者每八十貫
文增七貫則荆南海州茶貨顯是人所願買昨自天聖
四年許令陝西路將糧草價錢交抄直從本處批畫往
彼算買遂致東京榷貨務更無見錢入納墮舊法今

請舉行天聖舊制却令在京輸納見錢仍比天聖元年
價量減數貫以利商旅其陝西商人入中糧草並勒執
批赴京請領見錢如願筭請茶貨香藥之類及換外州
軍見錢不等並聽商人從便毋得更於批內批畫去所
並從之 十月十九日詳定茶法所言客旅自改新法
未納見錢筭請茶貨乞下逐處每舊交引百貫令客人
別買新例交引一百貫三說批筭請香藥象牙下權貨
務置簿拘管供申三司每百貫別買新例香藥象牙五
十貫限半年筭買了絕從之 四年正月九日命侍御
史知雜姚仲孫同定茶法詳定茶法所乞指揮權貨物
曉示客旅今後對買茶貨每百貫為則內六十貫見錢

四十貫許將金銀折納鋪戶客人對買新例茶貨香藥
象牙今後並於元買分数內各減二分其已對買未對
買茶內五分錢香藥象牙茶貨限半年算買者各展限
三月送納 康定元年二月二十一日三司言乞從京
支乳香赴京東等路委轉運司均分於部下州軍出賣
其錢候及数目即部押上京充權貨務年額及淮南江
浙所賣未盡乞委逐路轉運司選官計度於真州楊州
漣水軍裝載分往諸州出賣其賣到錢亦部押上京從
之 慶厯五年七月十六日知延梁適言保安軍權場
慮本軍泊諸處官員於場內博買物色乞並以違制科
罪從之 六年十二月四日權三司使張方平言定奪

神疑誤

保安鎮戎軍兩權場每年各博買羊一萬口牛百頭從之八年十二月詔三司河北沿邊州軍客人入糧草改行四說之法每以一百千為率在京支見錢二十千香藥象牙十五千在外支鹽十五千茶四十千初權發遣三司鹽鉄判官董沔言竊以今之天下端拱淳化之天下今之稅賦不加耗於前方端拱淳化之時神宗北伐燕薊西討靈夏以至真宗朝二虜未和用兵數十年然猶帑藏充實人民富庶何以致其然哉行三說入中之法爾自西人擾邊國用不足民力大匱得非廢三說之法也語曰變而不如前易而多所敗者不可不復也請依舊行三說以救財用困乏之弊於是下三

司議而舊法每百千支見錢三十千香藥象牙三十千
茶引四十千至是加以向南未益為四說而行之 皇
祐三年二月詔三司河北沿邊州軍入中糧草復行見
錢之法 初知定州韓琦及河北都轉運司皆言河北
行四說三說之法不便下三司詳定新議而乃言自慶
厯八年河北沿邊始廢見錢入中而以茶鹽香藥見錢
作四說近裏州軍即依康定二年敕作三說由是便糴
州軍例增穀價所給交抄皆是為富室賤價收蓄轉取
厚^利以致米斗七百甚者十錢沿邊所入至少而京師
償償倍多自改法以來至皇祐二年凡得穀二百二十
八萬四千七百八十九碩草五十六萬六千四百二十

費亦計

九束而給錢一百九十五萬六千五百三十五貫茶鹽
香藥一千二百九十五萬三千八百二十一貫綠茶鹽
香藥民所資有限且以權貨務見課較之即歲費不過
五百萬貫民間既積壓不售價日益損而公私兩失之
其茶場交引舊法賣百千者得錢六十五千今止二十
千香一斤賣三千八百者今止五六百蓋一百八斤舊
賣百千者今止六十千其利害灼然可見請以河北公
邊州軍糧草從景祐三年敕並以見錢入使其茶鹽香
藥亦許如舊法算買朝廷既從其議又以前用三說四
說豪商大賈多蓄積以牟厚利三司卒稽留為姦至是
商旅賣抄至更不用交引戶保直令權貨務給錢亦不

使亦便

開三司諸案以絕其弊也

至和元年六月二十七日

詔雄州等處榷場薑茶等近來常是數少應副不足令

三司應雄州等處榷場合用之物計綱起發往彼常令

有備

治平四年九月

神宗即位未改元

三司言勘會

河北四榷場折博銀數比較自前年分減少切慮向去

阻節北客虧失課程詔本路提刑李希逸與轉運司公

邊安撫官員同相相度具經久利害以聞

十月六日

新知潭州燕度請於三司使廳置河北榷場物貨總轄

司河北四榷場所須物貨令省司賞給案取索定數授

諸案施行詔三司聽權司專管勾及今度支賞給案判

官置簿催驗

神宗熙寧三年六月二十五日三司言

相度到雄霸州安肅軍三權場乞將合支見錢降充北
客盤纏等錢外餘令筭臘茶行貨如違其監專使臣等
並依透漏違禁物貨條從違制分故失公私科罪從之
八年五月三十日三司使章惇言河北京東鹽院失
陷官錢甚多諸路權鹽獨河北京東不權官失歲課其
數不貲乞差官同王子淵詣海場并出產小鹽州縣與
當職官吏并兩路轉運司相度利害以聞從之其後
上批三司河北鹽法可速依舊庶商人不致疑惑虧損
課額如舊法有未便即與河北京東提舉鹽稅司同相
度仍具去年鹽稅錢數以聞 九年五月二日詔熙州
岷州通遠軍折博務今後差本州通判或職官一員

十月二十七日中書門下言據發運司權到淮南東路
合減買額鹽八十九萬六千二百四十三碩五斗九合
二勺欲依所乞施行從之 十年九月十六日尚書屯
田郎中侍御史周尹提點湖北路刑獄先是尹上言成
都府路置場權買諸州茶盡以入官最為公私之害初
李杞倡行敝法奪民利未甚多故為患稍淺及劉佐攘
代其任增息錢至倍無他方術惟割剝於下而人不聊
生矣大抵在蜀則圍戶苦墾其斤兩支錢侵其價直在
熙秦則官價太高而民間犯法不可禁止又般運不逮
糜費步乘堆積日久風雨損爛棄置道左同於糞壤兼
所不通客旅惟資無賴小民結連群黨持杖私販虧失

征稅茶司認虛額又侵盜相繼刑罰日滋為數千里之
害可為深慮臣頃在京師傳聞其事既未詳盡安敢輕
議今受命入蜀所至體問乃知買茶為害甚鉅有知彭
州呂陶知蜀州吳師等論奏可以參驗往者杞佐繼陳
苛法即信用其言曾不畧加參考今議者條其利蠹悉
皆明白未即采聽何勇於興利而怯於除害乎臣願敕
有司速究權茶之弊俯徇衆論寬西南之慮又曰竊詳
朝廷之意未欲遽罷權茶者必以西河路買馬年計茶
最為急耳但通商之後舊來路茶稅年額錢總二十九
萬餘緡先已復故即可委逐路轉運司一面管認赴西
河路外有見今官茶所在州縣堆積極多足支數年買

馬自今商旅販秦鳳熙河路茶必能接續有備臣體問
廢罷改革事皆商旅所願望速下本路逐處根究臣之
所^陳有實即乞罷權茶之法許通商買賣以安遠方尹
還未至都而有是命元豐五年五月二十一日同提
舉成都府等路茶場^蒲宗閔言成都府路產茶州縣及
利州路興元府洋州已有權法今相度巴州等產茶處
亦乞用權法從之七年十月十七日福建路轉運副
使王子京言建州臘茶舊立榨法商賈冒販利甚厚自
熙寧三年官積陳茶遂聽通商自此茶戶售客之茶甚
良官中所得唯常稅錢極微南方遺利無過於此乞仍
舊行權法建州^歲運出茶不下三百萬斤南劍州亦出二

十餘萬欲盡買入官度逐州軍民戶多少及約隣路民
用之數計買即官場賣嚴立告賞禁建州賣私末茶乞
借豐國監錢十萬緡為本從之所乞均入諸路權賣委
轉運司官提舉福建王子京兩浙許懋江東杜偉江西
朱彥博廣東高鑄 哲宗元祐三年二月十一日詔階
州權買所產石土鹽每年雖頗有息人不以便也可勿復
定價權買 先是察訪永興等路常平免役李承之奏
乞以階州福津將利縣界出產土石等鹽可以置場權
買定價出賣至是陝西制置解鹽司言以為不便故有
是詔 元符三年十二月二日詔以都水使者魯君貺
專切應付茶場水磨先是閤守懃李士京同領茶場欲

歲當得三百萬緡奏上三省抑而
神宗本以抑奪成都十數兼并之
紙緡近賈種民遂增展及輔郡人以
為病詔增展輔郡權茶指揮勿行止依元豐舊法 徽
宗政和七年三月二十四日詔訪聞湖北新邊辰沅靖
州多出板木自來客人興販與徭人交易爭訟引惹今
後可令禁止仰鼎澧路鈐轄與轉運兩司共指畫委官
措置收買赴鼎州置場出賣許令客人出息就買其息錢
用贍邊鄙逐旋具措置事狀申奏即不得搔擾抑勒生事
宣和二年五月三十日詔今後捕獲權貨對折失覺察之數
並將談賞日已事發之數對行比折外理賞

嘉祐創本乃
重出市易一
奏誤名和買
雖和買又有
月市易者也

宋會要 市易

卷三十八

太祖建隆元年八月禁商人不得齎箭筈水銀丹漆等
物於河東境上販易違者重致其罪沿邊民敢居停河
東商人者棄市 開寶二年九月開封府司錄叅軍孫
嶼言每奉中書及本府令勘責京畿并諸道州府論事
人等內論訟典賣物業者或四隣爭買以何隣為先或
一隣數家以孰家為上蓋格文無例致此爭端累集左
右軍莊宅牙人議定稱凡典賣物業先問房親不買次
問四隣其隣以東南為上西北次之上隣不買遍問次
隣四隣俱不售乃外召錢主或一隣至著兩家已上東
西二隣則以南為上南北二隣則以東為上此是京城

則例檢尋條令並無此格乞下法司詳定可否施行所
貴應元典賣物業者詳知次序民止端端據大理寺詳
定所進事件乞頒下諸道州府應有人戶爭競典賣物
業並勒依此施行從之 七年五月詔曰官中市易比
務準平或有愚民不遵公法增減時價欺罔官錢慮彰
露以自疑必夙宵而懷懼宜垂軫念特議矜寬庶知改
過之方得有自新之路自今日已前應有買著係省物
色偷謾官錢者並特與免罪不許論訟如是有人更敢
言告以其罪罪之若是今後買賣官物依前敢有欺謾
並准枉法賊斷其所犯人家財物業並當沒納告事人
賞錢百千 先是馬步軍都軍頭史圭性麁暴無識妄

總
威福嘗容令人於都市察買人中有曾收市官物者
皆誣其欺罔即擒以上言往往有真於法者繇是隱市
之間到肆盡閉而太祖聞之故有是詔

太宗太平興國二年七月詔華州先籍入陽平市木吏
田宅悉給賜其家真先是分遣州吏市木歲供于京師
吏為姦隱沒官錢以鉅萬計人有訴者命使按之得其
實抵罪者衆其衆盡沒其田宅貲財至是而太宗憫之故
有是命 七年八月詔應劔南東西峽路從前官市及
織錦綺鹿胎透背六銖歌正龜殼等宜令諸州自今只
織買綾羅紬絹馳布木綿等餘悉罷去 九年十月詔禁
布帛不中度者令有司察視之 淳化二年四月詔雷

化新白惠恩等州山林中有羣象民能取其牙官禁不得賣自今許令送官官以半價償之有敢藏匿及私市與人者論如法 五年二月詔自來官中配買物色內有元不出產去處却分擘在彼抑配及諸般不便侵擾戶民之事并非理差役州縣因循不敢條奏者並仰三司逐道判官及轉運使副知州通判等具其利害子細擘畫申奏當議施行

真宗咸平元年十二月詔府州令直蕩族大首領鬼吸尾於金家堡置津渡通蕃族互市 二年七月婺州通判崔憲言天下土地所產之物官以折科和買為名抑奪其價重賦其民乞選端士明大體者散下郡國課其

有無為一定規式詔三司自今應有折科并和買物色
並仰體量指揮 四年二月詔應今後差往西川使臣
更不得託彼處官吏賤價收買匹帛仍仰嚴行止絕之
五年四月詔雄州復置推場從知州何承矩所奏也
先是承矩累言懇請開置及陳得北界偽命新城都
監押种堅牒請復設推場以通商旅真宗曰寇戎黷覆
實不可信承矩之意要弭邊患爾開之如亦無損且可
其奏 六年正月何承矩言虜寇殺斥堠軍士卒奪馬
二匹并得虜界新城都監种文煦牒請徙九村民以避
劫掠尋告諭令為警備其推場商旅見貿易不絕帝
以手詔賜承矩曰守臣之意務在綏邊戎狄之心蓋多

背惠往事非明驗可知但慮難於懷柔易致反覆汝等宜領其來意而辨其姦詐也初承矩首議建推場因欲謀繼好之事帝慮其輕信弛備因有是戒二月戶部言東西密務關柴薪乞置場收市帝曰自中春後來雨雪稍頻薪芻方貴密務所關蓋是省司失於經度況不是急務若官更取市則都人益是不易可令省司別作計度五月詔在京庫務物有備二年以上者權停收市俟闕少奏裁先是庫務充盈而所司利於輸送歲有配市四方轉置頗為勞擾故命吏部侍郎陳恕裁歲計之數及是詔下人頗使之七日罷雄州推場時虜數寇邊或言謀者以互市為名必行傾伺故廢之

南示東

十一日詔府州許唐龍鎮民往來市易常加存撫時本鎮有往府州互市者州之蕃漢邀殺之奪其貳畜鎮主遣人詣闕上訴故有是詔十一月五日帝謂宰臣曰江南淮南兩浙州軍配市納絹如聞其價翔貴恐損於民並令蠲免二十三日罷河南孳生羊務因先是轉運司奏置而羊市於民其死者令民償之帝聞其勞擾故罷焉景德二年正月詔雄州如北界商人齎物貨求互市者且與交易諭以自今宜令北界官司移牒俟奏聞遣人就山和市無得抑配二月有司言每歲諸道市紬絹百餘萬匹上供詔蠲三分之一十月十三日詔東京畿內和買賣橐北市價已令優給宜更增其

直 十八日命太常博士皇甫選太常丞晁正諒殿中丞嚴頴李道太子中允盧幹分詣府界諸縣和買稭草從三司之請也時經夏久雨京畿橐稅例多蠲復至是令諭旨於民而和市之選等人賜錢三萬以遣焉 四年十月詔滑曹許鄭等州所納易橐並輸本州不須至京 先是近輔諸州歲以易橐輸京師至是年穀屢稔輦下物價甚賤畿內和市已及七百萬圍故有是命大中祥符元年七月免濮州和市茜草仍詔三司市物非土地宜所者悉罷 二年九月帝曰雜買務累曾制置貴在不擾於人尚聞有筭筭微物有司以茶準折其價可令丁謂規畫以錢給之 三年閏二月河北轉運

瑛
一作瑛

使李士衡言本路歲給諸軍帛七十萬民間罕有緡錢
常預假於豪民出倍稱之息及期則輸賦之外先償通
負以是工機之利愈薄請令官司預給帛錢俾及時輸
送則民獲利而官亦足用從之仍令優給其直 三月
監察御史冠瑛言在京市肆所賣銀器之屬多雜以銅
蓋自來失於條約致廂巡得以通容欲乞特降敕命下
開封府令諸廂界嚴切覺察斷絕許諸色人告捉入官
勒行人看驗詣寔分數比細虧價贓錢本犯人乞依律
計利準盜論科斷其行濫之物沒官估計價錢支一半
與告捉事人充賞內有工匠受雇與人造作錫漏漆和
偷取好銀據驗到入銅兩數並乞依犯科斷仍許銀主

告捉如偷取贓重自從竊盜法區分所有行鋪自前打
造下次銀物色與限一月內烹鍊好銀限滿不改變者
並許告捉施行從之 七月詔三司市木以茶酬直者
自今悉給緡錢 八月詔皇城司言察知京城市賂以
諸軍賜冬服絛帛其用錢貿易不依宣命條約每百不
盈七十四五有雖稱省陌由貫除錢三十帝曰此可諭
周起令府司申明約束又曰諸軍有營在京城外者日
起教習何暇買也也可特給假三數日 四年六月知澧
州劉仁霸言本路汾溪洞出產黃連黃蠟價賤而易得
省司所要上供數目多不依時預行指揮致成勞擾乞
行條約從之 十一月知河南府馮拯言官市芻藁望

增給其直樞密陳堯叟曰增價以市不若從馬佗所京
師馬舊留二萬今留七千自餘悉付外監仍欲於七千
之中更以四千付淳澤監可省輦下芻秣之費帝然之
五年八月詔雜買場市物並令給錢以便民先是
收市應用之物尚有折支茶小民難於分給故有是命
九月詔京東河北諸州民以大小麥折納預請和市
絹錢宜免其倉耗及頭子錢十二月六日帝謂宰臣
王旦等曰民間乏炭其價甚貴每秤可及二百文雖開
封府不住條約其如販夫求利唯務增長宜令三司出
炭四十萬減半價鬻與貧民如此非惟抑其高價寔且
濟得人民十一日帝謂王旦等曰官場賣炭人頗擁

併至有踐死者已令張旻等差軍員兵士分往逐場攔約其踐死之豕仍支與緡錢無親族者官為埋瘞將來令三司別辟晝炭五十七萬如常平倉斛斗封樁遇炭貴減價貨之即京師炭價常賤矣六年正月三司言乞在京置場收買炭貨準備來春減價貨賣以惠貧民帝曰今歲民間炭賤朕尋令使臣於新城內外減價置場貨賣四十萬秤頗濟貧民今若自夏秋收買必恐民間增錢少人與販宜令三司於年支外別計度五十萬秤般載赴京以備濟民八年十月三司言乞差使臣輦匹帛於京西河東陝西令置場出賣王旦等曰皆民間所要之物俱三司少損其直則無不售者帝曰昨日已

指揮如支撥但舉大數與之逐色價直即委出賣處官
吏旦日馬元方昨日奏所交匹帛誠如聖旨果有以段
為匹者帝謂旦等曰然皆官物所相較者蓋內藏庫支
撥之時與三司約云成匹者填還成段者任用朕必知
其點閱未精蓋元方輕許之也旦等曰國家支用名件
至多物帛短長無不可者如軍裝袍袴之類皆可隨材
製作須有司多作經度或令諸司職掌工作之人各具
所陳許以獎賞則大有入用處周官^典餘之賦正為如
此等物尤是輦轂之下靡所不集丁謂常言在省日有
負販者預入三百或二百千爭市瑕頭油幕之類詰之
皆有變易而鬻之有利但須監官得人則均而少弊帝

又謂曰旦等數日前覽雜買場奏專典與坐販者通同出物大有隱欺利則知弊餘無棄物而小民獲利之多也 十二月詔三司以炭十萬秤減價出賣以濟貧民仍命內臣監繼宗專司其事自是蓄藏薪炭之家無以邀致厚利而小民獲濟焉 九年八月詔曰近頒詔旨多是蠲除或尚軫於疾懷故無忘優惠其今年和買草並全住 先是宰臣因對奏曰近者屢降恩詔中外感悅或聞和市秤草已隨稅分数蠲免所餘無幾三司亦有準擬帝曰可悉免之故有是命 天禧元年三月以京府十四場糴米令每場日加至百碩其勾當使臣有不任職者令提舉司具名以聞 四月知濮州侯自

成言本州富民儲畜斛斗不少近來不住增其價直乞
差使臣與通判點檢逐戶數目量留一年支費外依祥
符八年秋時每斛上收錢十五文省盡令出糶以濟貧
民詔只依前後敕旨勸誘出糶 七月三司言乞依常
年例於開封府界體量取買稈草千餘萬束帝以螟蝗
為害慮煩民力令中書樞密院議其可否向敏中等曰
國家^監收中馬數比先朝倍多廣費易粟若令羣牧司
相度分減或許出賣散在民間緩急取之猶外廐耳王
欽若曰如中敏等論寔為利濟往年已曾如此商議蓋
所見各異妄興沮議遂寢其事今既詢謀僉同臣請別
具奏條帝然之 二年三月鄆州言准敕收買紬絹不

得抑配人戶如願預請錢者聽令來春澤霑足農民種
蒔咸願預請錢收市種糧以濟貧乏州軍無錢今以糴
斛斗錢四千貫給外闕錢萬貫望令三司速作般運赴
州從之 四月白波發運司判官王真言上供材植及
諸埽岸椿板欲望隔年下陝西州軍和市編排為枳候
春水或霜降水落之際由三門入汴詔送三司詳定以
聞 十月詔河東沿邊州軍自今民有私過北界只是
博糴斛斗收買皮裘及諸般些小喫用物色情理輕者
則依法決訖刺面配五百里外州軍本城收管 先是
上封者言河東民有與北界市易者斷訖悉移隸淮南
州軍其中有理非切害望差降其罪故有是詔 三年

十二月三司言望下逐路轉運司依例預支價錢收買
紬絹從之 四年二月詔諸州合要黃糯米造酒及紅
花紫草等並逐時置場收市如急湏者止得於中等已
上物力戶上量行均買勿得抑配貧民 乾興元年五
月詔溪洞下溪州叢練使田遂等自京進奉回至辰州
日池鎮務照檢有金漆銀裝椅子一隻稱是本州刺史
彭儒猛令裝造宜令開封府嚴行指揮在京行鋪商販
人自今不得與外道進奉人員并溪洞蠻人製造違越
制度器用及買賣禁榷物色夾帶將歸本道許人陳告
並當決配 六月詔在京都商稅院并南河北市告示
客旅等自今後如將到行貨物色並湏只以一色見錢

買賣交相分付如有大段行貨須至賒賣與人者即買
主量行貨多少召有家活物力人戶三五人以上遍相
委保寫立限(期)文字交還如違限別無抵當只委保人
同共填還若或客旅不切依稟只令賒買人寫立欠錢
文字別無有家業人委保官中今後更不行理會若是
內有連保人別無家活虛作有物力與店戶牙人等通
同朦昧客旅誑賺保買物色不還價錢並乞嚴行決配
仁宗天聖二年四月工部侍郎知池州李虛已都官員
外郎張畢等言伏覩天下州縣每年春初預先支官錢
和買紬絹頗聞煩擾乞降敕不得更行均配(勅)帝令三
司下諸路轉運司今後預支紬絹價錢並取人戶情願

州府

其不出產州軍不得一例抑配仍具施行訖聞奏 四
年正月亳州言乞將在城倉并諸縣見管斛斗依在市
時價預支俵與人戶充和買紬絹價錢帝可其奏仍令
三司指揮轉運司如本州少闕斛斗即仰般移應副不
管候闕 九月度支員外郎梁頤言廣南上供錢穀乞
只令本處置場和買金銀香藥詔送三司相度聞奏
十月三日司農少卿李湘言河中府每年收買上京諸
般紙約百餘萬欲乞今後於河南出產州軍收買詔送
三司相度均減聞奏 二十七日陝州西路轉運使杜
謩言欲乞指揮磁相等州所出石炭今後除官中支賣
外許令民間任便收買販易從之 五年四月三司知

益州薛奎言川界諸州軍監鹽酒場務並是衙前公人
買撲勾當其年額錢內有分數折變送納紬絹每匹六
千五百緡兩五貫五百緣諸州元無出銀坑冶自
來准望客人將川中匹帛往內地州軍破賣收買到銀
送納今緣益州街市銀每兩見賣小鐵錢二十千足若
將比附鹽酒折變約是增長三倍以來及問得添長因
依蓋為客人在內地興販銀入川須經興利三泉縣
三處官場每十兩抽買一兩每兩支小鐵錢十一貫三
百文足因茲客旅更有一重銷折艱難致銀得到川
中價例增長又勾當場務公人就大價收買越限送納
甚是不易欲乞指揮利州路轉運司興利州三泉縣住

行抽買鋌銀却將逐年買銀錢收買紬絹上京送納省
司相度欲依所請施行從之十一月六日三司言司
封貢外郎王湛言廣南西路每年上供錢八萬貫近令
收買銀貨上京至年終如有支買不盡錢般運上京蓋
緣自遠州用小船般運至桂州後合成綱運逐次別差
綱官每船人丁牽駕艱阻動乃數日方得至金永州交
納彼中又別差人船至過重湖江淮方得到京欲乞許
令在京推貨務明出榜示諸色人有見錢據納下於廣
南西路除融宜邕欽廉等五州外任便於諸州指射請
領與免請到錢商稅省司今詳定欲依王湛所請事理
乞降敕命下廣南西路轉運司自天聖六年後於年額

錢八萬貫文收買銀貨上京送納外據餘剩錢數令逐
州軍准備支還客旅在京納下錢仍約度年內合使過
買銀錢數外有餘剩錢數開坐寔封申省以憑行下在
京權貨務出榜曉示客旅入錢便與免請到錢商稅并
下本務旋具納到客錢收附文狀供申仍才候納及元
降錢足畫時分析申省從之 十六日詔應三司逐年
於諸州軍科買物色訪聞甚是勞擾仰三司速具逐年
科買諸般物色名件開坐數目及作何准備使用具奏
無漏落結罪文狀申奏當議特差近上臣僚與三司詳
定蠲減如將來除詳定名件外非次合要物色並須奏
候敕命方得行下諸處 六年八月審刑院大理寺言

樞密副使姜遵言前知永興軍切見陝西諸州縣豪富之家多務侵併窮民莊宅惟以債負累積立作倚當文憑不踰年載之間早已本利停對便收折所倚物業為主縱有披訴又緣農田教內許令倚當官中須從私約處分欲乞應諸處人戶田宅凡有交關並須正行典賣明立契書即時交割錢業更不得立定月利倚當取錢所貴稍抑富民漸蘇疲俗其自來將莊宅行利倚當未及倍利者許令經官申理只將元錢收贖利錢更不治問如日前已將所倚產業折過不曾爭理更不施行寺司衆官叅詳乞依所請施行只衝改農田教內許倚當田土宅舍條貫更不行用並從之 九年四月三司戶

部判官張保雍言今後在京科買諸般物色乞只留二年准備免致積壓損爛從之八年三月開封府言京城浩穰鄉莊人戶般載到柴草入城貨賣不少多被在京官私牙人出城接買預先商量作定價例量與些小定錢收買本主不期却被牙人令牽拽車牛輾轉貨賣更於元商量價錢外剩取錢數稍似貨賣未盡又更於元數柴草內誑稱斤兩輕少減落價錢住滯人戶車牛枉費盤纏府司雖曾出榜曉示鈐轄終未斷絕欲乞特降指揮止絕如有違犯並乞重行斷遣所賣柴草任從人戶自便貨賣及令廂巡人等常切覺察收捉送官勘斷所貴遵稟從之九年十一月六日詔三司科買物

色自今須本路轉運使按出產州軍均配無得直下諸州
景祐二年十月十七日三司詳定諸路上件年額錢
內除淮南五萬貫兩浙五萬五千貫荆湖北路五萬貫
依舊每年上供外江南東路五萬貫內一萬貫買綿四萬
貫買紬絹或銀福建路十萬西路八萬並買銀邊路轉
運司自景祐三年後上供送納詔從之所買物依自來
價例不得虧民 慶歷三年正月三司言在營繕歲用
材木凡三十萬請下陝西轉運司收市之詔減三分之
一仍令官自遣人就山和市無得抑配於人 皇祐四
年十月詔三司凡歲下諸路科調若不先期而暴率之
則恐物價翔貴而重傷民也其約民力所堪預令鋪辦

務
作
條

若府庫有備則勿復收市 五年六月詔廣南西路夏
稅布舊例每匹折錢二百如聞本路擅減其價重困於
民宜復其價如故 以上國朝會要

神宗熙寧三年二月二十八日京東轉運司言准朝旨
問去歲依榜和買紬絹多拋數目於人戶上配散每錢
一千買絹一匹後來却令買絹并稅絹每匹納錢一千
五百又於等第一例配俵粟豆錢一次令具析所行事
件聞奏本司今具析到所行事理緣本司所散粟豆錢
只是要濟接民用兼只召人戶情願取要即不是等第
一例須行配俵詔已行常平倉新法今後更不得支俵
粟豆錢其支散內藏庫別額納絹錢五十萬貫候納到

本錢即撥北京封樁所收息錢於內藏庫送納 五年
三月二十六日詔曰天下商旅物貨至京多為兼并之
家所困往往折閱失業至於行鋪裨販亦為較固取利
致多窮窘宜出~~內~~內藏庫錢帛選官於京師置市易務
商旅物貨滯於民而不售者官為收買隨抵當物力多
少均分賒請立限納錢出息其條約委三司本司官詳
定以聞先是同管勾秦鳳路經畧機宜文字王韶言沿
邊州郡惟秦鳳一路與西蕃諸國連接蕃中物貨四流
而歸於我者歲不知幾百千萬而商旅之利盡歸民間
欲於本路置市易司借官錢為本稍籠商賈之利即一
歲之入亦不下一二十萬貫呂公弼亦言秦州蕃商以

行鋪賒物貨多滯留耗失王安石欲令推市易新法行之吳充恐遠近人情不同也上曰官為出錢市之復令坐賈量出息以賒價入官蕃商既得早售坐賈亦無所費官又收息此事所以為便也由是用詔議令將本司見管西川交子差人往彼轉易赴沿邊置場既而有魏繼宗者自稱草澤上言京師百貨所居市無常價貴賤相傾或倍本數富人大姓皆得乘伺緩急擅開闔歛散之權取數倍之息今權貨務自近歲來錢貨寔多餘積而典領之官但拘常制不務以變易平均為事宜假所積錢別置常平市易司擇通材之官以任其責仍求良賈為之輔使審知市易物之賤則少增價取之令不至

於害商貴則少損出之令不至於害民因得取餘息以
給公上則開闢歛散之權權不移於富民國用以足矣於
是中書奏欲在京置市易務監官二員提舉官一員勾
當公事官一員以地產為抵官貸之錢貨之滯礙民者
為平價以收之一年出息二分皆取其願其諸司科配
州縣官私煩擾民被其害悉罷之並於市易計置許召
在京諸行鋪戶牙人充本務行人牙人內行人令供通
已所有或借它人產業金銀充抵當五人以上為一保
遇有客人物貨出賣不行願賣入官者許至務中投賣
勾行牙人與客人平其價據行人所要物數先支錢買
之如願折博官者仍聽以抵當物力多少許令均分除

請相度立一限或兩限送納價錢若半年納出息一分
一年納即出息二分以上並不得抑勒若非行人見要
物而實可以收蓄變轉亦委官司折博收買隨時估出
賣不得過取利息其三司諸司庫務年計物若比在外
科買省官私煩費即亦一就收買故有是詔 二十七
日詔三司戶部判官呂嘉問提舉在京市易務仍賜內藏
庫錢一百萬緡為市易本錢其餘合用交鈔及折博物
令三司應副 七月十七日鎮洮軍置市易司賜錢帛
五十萬 六年正月七日樞密使文彥博言臣近言市
易司遣官監賣果寔京邑翼翼四方取則魏闕之下治
象所觀今令官作賈區公取牙僧之利古所謂理財正

私使

辭者豈若是乎初王韶建議於古渭置市易馮京言其不便彥博助之曰官中更為販賣事誠不便王安石曰且不論古事止以今公私皆販賣人無以為不便何也彥博又言市易向召元瓘指使乃是還俗僧甚無行安石曰市易司募指使何由盡得篤行君子苟有無行之人亦未害至是又白上曰陛下近歲放百姓貸糧至二百萬支十斗全糧給軍一歲增費亦計數十萬緡以至添選人俸增吏祿給押綱使臣費又百萬緡天下愚智孰不以此知陛下不殖貨利豈有所費如此而乃於果實收數千緡息以規利者上曰市易賣果寔太煩細罷之如何安石曰市易司但以細民上為官司科置所困

下為兼弁取息所苦故自投狀乞借官錢出息行倉法
供納官果寔自立法以來販者比舊皆得見錢行人比
舊所費十減八九官中又得美寔每年行人為供官不
給輒走失數家每糾一人入行又輒詞訟不已今乃願
投行人則其為官私便利可知止是此等貧無抵當故
本務差人逐日收受官錢初未嘗官賣果寔也陛下謂
其煩細以為有傷國體臣竊謂不然今設官監酒一升
亦沽監商稅一錢亦稅豈非細碎而人習見未有非之
者蓋自三代之法周官固以征商然不云須幾錢以上
乃征之泉府之法市之不售貨之滯於民用者以其價
買之以待買者亦不言幾錢以上乃買又珍異有滯者

因一作固

因一作固

歛而入于膳府膳府供王膳乃取市物之滯者周公制法如此不以煩細為恥者細大並舉乃為政體但當論所立法有害與否不當為其細而廢也市易務勾當官乃取賈人為之因為其所事煩細也豈可責其不為大之事乎上曰比日所買果實比舊定佳行人亦極利但素貧弊與除放息錢無害安石曰行人比舊已少蘇何須放息錢見今商稅所取因有至貧乏為稅務所困者亦合為之蠲除矣今諸司吏祿極不足乃令乞覓為生今若以所收息錢盡給何善如之推兼并收其贏餘以興功利以裒糴阮乃先王政事不名為好利也 二
十三日詔在京市易務勾當公事孫迪同兩浙淮南東

路轉運司制置杭州市易務利害以聞 三月三日詔
提點秦鳳等路刑獄張穆之與熙州官吏制置市易務
條約以聞 四月七月詔提舉在京市易務及開封府
司錄司同詳定諸行利害 十月一日提舉在京市易
務言市易工界先借內藏庫本錢百萬緡已三年還從
之仍以今年當撥錢三十萬緡借為杭州市易務本
二日改提舉在京市易務為都提舉市易司應諸州市
易務隸焉 十二月七日給度僧牒二千付都提舉市
易司募人入錢為秦鳳路轉運司糴本 二十四日詔
命梓夔路察訪司准備差遣蒲宗閔新知温州永嘉縣
沈達同成都府路轉運司相度成都府置市易務利害

以聞 初上論及成都市易馮京曰曩時西川因推貨
物致王小波之亂今頗以市易為言臣檢寔錄寔有此
說王安石曰王小波自以飢民衆不為官司所恤遂相
聚為盜而史官乃歸般取蜀物上供而致然不知般孟
氏府庫物以上供於飢民有何利害願乞陛下勿疑臣
保市易必不能致蜀人為變也而上欲詳盡其事故命
宗閔等往焉 二十七日詔市易司市例錢除量留支
用外並送抵當所出息以給吏祿隸都提舉市易司仍
令幹當公事官二員專檢估 七年正月十九日大名
府韓絳言本路安撫司累歲封樁紬絹或致陳腐之下
轉運司用新紬絹或錢銀對易或依市易法令民人抵

出息其餘經累安撫司封椿亦乞依此從之二十四

日遣三司勾當公事李杞相度成都府置市易務利害

二月十二日知熙州王韶言通遠軍自置市易司以

來收息本錢五十七萬餘緡乞下三司根磨推獎官吏

從之二十九日都提舉市易司言近遣試將作監主

簿劉默相度置市易務於成都府路乞借三司銀十萬

買茶從之三月二十五日詔權三司使曾布同呂惠

卿根究市易務不便事詣實以聞先是夜降手詔市

司聞市易日近收買物貨有違朝廷置法本意頗妨細

民經營衆言喧嘩不以為便致有出不遜語者卿必知

之可詳具聞奏至是布言問得提舉市易司指使魏繼

宗稱市易務近日以來主者多收息以干賞凡商旅所
有必賣於市易或市肆所無必買於市易而本務率皆
賤以買貴以賣廣收贏餘誠如此言則是挾官府而為
兼并之事也故令布等究寔 四月三日中書奏事時上
論及市易利害且曰朝廷所以設此本欲為平準之法
以便民周官泉府之事是也今正爾相反使中下之民
如此失業不可不修完其法也已差韓維孫永叅問行
人出錢免行利害可令元詳定官呂嘉問吳安持同取
問 八日中書奏事時上諭及市易事叅知政事馮京
日開封祥符縣給散民錢有出息抵當銀絹米麥緩急
喪葬之日如此七八種小民無知但見官中給錢無不願請

二稅至有十七八種者使吾民安得泰然也
監楚州市易務祕書省著作佐郎王景彰追兩官勒停
并劾干繫官吏命官具案聞奏其違法所納息錢給還
仍下杭州廣州市易務勘會違法事許令自首改正
以淮南東路轉運副使提舉楚州市易司蔣之奇奏景
彰違法權貨商人物貨及虛作中羅入務立詭名羅之
自納息錢謂之乾息又勒商販不得往他郡多為留難
以沮抑之上初令劾之既而又謂輔臣曰景彰違法害
人事狀灼然若不即行遣更俟劾罪必是遷延無以明
朝廷元立法之意使百姓曉然開釋無所歸咎可速斷

批
作
比

達庶使小人有所忌憚故有是命 二十三日 上批見
根究市易司可催促結絕呂惠卿言近與曾布同根究
市易事其間雖有異同已具利害大情及有無違法臣
蒙恩命見辭免難同根究乞令中書盡取公案以異同
情節逐一批對進呈詔應根究文字盡納中書 二十
九日詔三司勾當公事李杞等罷相度成都府置市易
務止具經畫買茶於秦鳳熙河路博買利害以聞其後
成都路轉運司議亦以為便從之 五月二日上批市
易務遣人往諸路販易可問何年月日指揮許令如此
執政進呈不行 按御集云進呈訖即是無行遣也比
因四月十七日曾布言販茶鹽鈔事故有此問卒無行

遣應是呂嘉問蔽匿其事耳

二十四日詔書布根究

市易違法事令

章

曾孝寬就軍器監置司根究以聞

先是布屢聞手詔以市易苛細詰責中書遂辟市易

使臣魏繼宗為察訪司指使及領三司屬官有以嘉問驕慢為布言前三司使薛向於嘉問未嘗敢校曲直犯市易者一切繩治布欲改更會有手詔訪布布以問繼宗繼宗乃詆市易主者格克不如初議布携繼宗見王安石安石責繼宗曰事誠如此何故未嘗以告我繼宗曰提舉朝夕在相公左右何敢及此提舉謂嘉問也布既奏聞上喜曰必欲推究見其寔狀非卿不可以奏付中書明日差呂惠卿同根究或為布言嘉問已呼胥吏

市示

取紫還私家故隱藏更改布奏請出榜市里厚募告者
得旨即榜嘉問所居不關中書覆奏居兩日惠卿至三
司記行人無異詞退以繼宗還官舍詣問布辟繼宗所
以及問市易害民之狀繼宗密以告布嘉問亦訴於安
石會中書以布初得旨不關中書覆奏白上得旨收布
所出榜布欲避惠卿乞別選官根究其行人所訴對延
和殿上見布因言薛向編管無罪茶牙人事上嗟惻久
之曰朕當時失於究^詳便令依奏布又言三司枉徇市易
決責商賈不一上曰他日可一一檢取進呈時安石懼
求去位既而用惠卿言送繼宗開封府知在布覺事變
復對上指糯米出息外別納息錢上曰此極分明又曰

惠卿不免共事不可與之喧爭於朝廷觀聽為失體明日惠卿詈行人及胥吏以語侵布又明日惠卿叅知政事一日悉取根究市易事送中書布條析前後所陳而以三司比較治平二年及去年收支錢數物進呈之上夏歲費寢廣令送中書至是以付惇孝寬鞠之也章傳曾孝寬鞠市易事於軍器監又令戶房會計治平熙寧財賦收支數與布所陳有異布復對曰臣與章傳有隙今以惇治獄其意可見上曰曾孝寬在未必不直獄具布坐不應奏而奏公罪杖八十嘉問亦坐不覺察雜買務多納月息錢公罪杖六十既而中書言布所陳治平財賦收數有內藏庫錢九十六萬緡當於收數內除豁

不當於支數內除又命御史臺推直官蹇周輔劾布所
陳意欲明朝廷支費多於前日致財用闕乏收入之數
不足為出當奏事詐不以寔徒二年嘉問亦坐不覺察
雜買務納月息錢八月十七日詔翰林學士權權三司
使曾布落職知饒州都提舉市易司呂嘉問知常州魏
繼宗仍追官勒停初市易之建布寔布之至是揣知
上意疑市易有弊遂急治嘉問而惠卿與布有隙乘此
擠布然議者亦不以布為直九月十九日都提舉在
京市易司言乞罷本司提舉官歲終比較推恩其監官
自從舊賞格諸買賣博易並隨市估高下無得定價其
當給三司變轉物即依三司所估民願以抵保賒請折

博歲出息二分計月理息者聽從之 十月二十五日

等并等

收并收

三司使章惇乞借內藏庫錢五百萬緡令市易司選能幹
之人分往四路入中等請益引及乘賤計置糴買詔借
二百萬緡 十二月十日詔河北監牧司見在錢帛糧等
並隸都提舉市易司充買茶本錢 八年二月詔秦州
永興軍鳳翔府潤州越州真州大名府安肅軍瀛州定
州真定府並置市易司 一日詔酒戶貸市易司糯米
自去年中限至末限息錢並減半 初市易司權糴糯
米以貸酒戶收息犯者聽人告賞錢至三百千米沒官
商人以官糴賤不至又至歲儉京師糯米價益高本息
錢厚故有是命 三日都提舉市易司言乞以諸路市

易務隸本司許本司移用錢物度人物要會處分諸路
監官置局隨土地所產商旅所聚與貨之滯於民者得
以收歛從之 四月二十三日以惠州阜民監折二錢
十萬緡借廣州市易務為本錢從都提舉市易司請也
七月十二日詔百姓郭懷信通市易司違限罰錢聽輸
同延二州以懷信請市易司監鈔既償納本息猶以
納不如期罰錢千五百餘緡已納百七十餘緡訖而市
易司又使增納百三十緡稽限法當計所欠罰之而懷
信自言乞輸同延二州以省道路之費故也 八月二
十六日詔司農寺支坊場錢三十萬緡為鄆州市易本
錢 九月五日中書言已發河南兩浙監牧司河北十

一監京西三監河東太原監京東東平監其廢監錢物等除給都提舉市易司充茶本外令三司歲具合應副熙河路年計錢數申中書取旨支撥從之 十四日詔坊場錢令司農寺下諸路歲發百萬緡於市易務封寄許變易物貨至京 十月二十三日詔西京河清阜財監歲增鑄錢十萬緡為市易務本錢從提舉鑄錢監錢昌武請也 十一月十三日詔都提舉市易司見錢見在熙河路者並充本路軍湏仍具數以聞 十二月九日都提舉市易司言宗室賒請物色三人以上同保經大宗正司出歷赴約務度并息不過兩月料錢之數如輸納遲期限取料錢歷批上剋折限半年輸足 同日

又言歲買商人茶從本司貿易乞以三百萬斤為額庶使商人預知定數不雜粗惡草木務令中賣數多從之
九年正月二十五日詔都提舉市易司自今不得賒請錢貨與皇親及官員公人 先是手詔近禁止賒法係行下幾處及從是何月日施行違者有何刑名可具聞奏至是中書奏請故有是詔 二月十六日提舉市易司言在京酒戶歲用米三十萬石比江浙荐飢米價翔貴本司選官往出產處豫給錢至秋成折納從之
四月三日詔在京市易司發物貨為錢計直十五萬緡赴熙河市易司貨易見錢為本其貨物却於截到運司錢內除破 其後中書戶房言近都提舉市易司已發

月
二
日

未
一
年
末

物貨十五萬緡為熙州市易本錢今欲令市易司增五
萬緡以十萬緡輸熙州十萬令在京市易司入中本路
糧草從之 五月都提舉市易司言奉詔支撥金六千
兩應副安南道將物貨五十萬興淤田水利司作羅本
緣本所支錢物貫萬數多別無據還指揮今上界少闕
錢本欲乞支給米鹽鈔五十萬貫轉變作本從之 二
十四日熙河財利孫迥乞移通遠軍市易務於秦州罷
秦州通遠軍永寧寨市易三外場詔劉佐相度以聞
十一月三日詔提舉市易司今日以前賒請過錢物限
外送納本息已足其罰錢並與免放本息未足者更展
半年足日準此諸路詔到日以前見欠罰錢人戶亦準

未示末

此二十八日都提舉市易司言自置市易路上界所用本錢並是新法米鹽等錢及於內庫歲借撥到五百萬貫作本內五十萬貫與河北收糴斛斗封樁外已還三百五十萬止有一百萬貫係未撥還及准朝旨自十年為頭每年於息錢內撥二十萬貫赴內藏庫送納今見在本錢除官員將物貨變轉外只有四百一十六萬餘貫深慮朝廷非汎取撥乞除每年已認錢二十萬入內藏庫外乞歲終更辦十五萬貫准備朝廷支用今後乞免非時取撥若三五年間更有儲積錢數即從本司別具取旨從之 十年正月十九日詔祁定州民欠市易水利淤田司結糴糧可止令依常平法出息二分納

錢 四月二十五日詔市易務茶限二年結絕許客茶
交易 五月七日詔應市易司計置物貨場務不依客
例收稅並許勾當官申提舉司牒提刑司根究依法施
行 十四日都提舉市易司言乞定上界本錢以五百
萬緡為額以本理息及一分半等第推恩見在息錢先
封樁聽朝廷移用從之 十一月七日詔都提點市易
司上界本錢以七百萬貫為定額如不足以歲所收息
補滿其先內藏庫錢歲以息錢二十萬貫還之 十二
月十八日詔榷場以市易司為名餘令立法以聞 是
歲太府寺市易本息市例錢帳歲收緡錢七百三十九
萬七千有奇詳見市易務市易上界自熙寧五年置務

至十年七月比較已前收息錢市例數熙寧十年十一月指揮以七百萬為額不足以息補滿息錢比較訖限次年比較前封樁收本息市例錢熙寧七年七百三十九萬七千一百三十一貫五百文本五百八十七萬八千七百八十七貫七百三十五文息一百四十三萬三百五十一貫四百一十二文市例九萬七千九百九十二貫三百六十九文

元豐元年二月一日提舉市易司俞充言永興軍路當兩川秦鳳熙河涇原環慶衝要乞置市易務與經制熙河路邊防財用司所置市易相為表裏以牽客旅往來借內藏庫錢四十萬緡為本候收秦州等市易錢撥還詔財用司同相度以聞後財用

司言切慮他官典領以各司錢物分彼此即往來物貨或相害乞與本司經制官同講求別具興置次第以聞從之八月都提舉市易司請貨滯於本司者聽臨時依市價轉易如虧元直即於每年比較樁留准備失陷錢轄除從之九月四日又請欲以市易務上界見欠內藏庫並引錢一百萬緡候本務補滿本錢日依奉朝旨作二年還足詔許自來年為始十一月十五日詔開熙河路商賈所至州軍並市易司司權買令提舉成都府路茶場司李稷體量後稷言熙河岷通遠軍等處商販匹帛等經制司寔令市易務拘買乃詔李憲具析以聞十七日詔令提舉秦鳳等路常平等事李孝博催

促本路州軍諸處官司應干市易本息借與人戶見欠錢物二年正月九日詔市易司罷立保賒錢法已出錢立輸限半年內輸本息足日蠲其出限罰息錢物力雖薄而有營運者聽量力支借毋過舊數三之一令元體量檢估官分認催收期三年結絕歲具所收錢數比較賞罰委幹當公事一員催驅其用產業抵當留契書收息一分半檢估官吏如容增直冒請以違制論不以去官赦降原減即賒請物如舊法毋得過其家物力之半二月十九日詔應置市易務處賒請錢並依在京市易務法聽以金銀物帛抵當收息毋過一分二釐二十九日經制熙河路邊防財用司言鳳翔府增置市

易務與秦熙等五市易務相為表裏三州一軍移用變
易四市易務各增監官一員兼領市糴可減罷本司准
備差使四人從之三月二十七日邢州乞權住叢本
州市易司綰錢以寬民力詔都提舉市易司按民戶適
負數多州縣毋得給錢五月二十六日都提舉市易
司言前市易務監官劉佐負市易錢十八萬緡乞籍本
家日入屋租償官限二年輸納不足物產沒官又不足
責保人代輸自今負市易錢違限有物產做此自籍家
產日與免息罰從之六月一日經制熙河路邊防財
用李憲言准詔具析擅權熙河等州軍商貨事自置司
以來除番商水銀及益川寨官鎮兩場依法禁私販外

拘
存
拘

市易賣買並取情願交易未嘗拘欄臣以淺昧終恐難
逃吏議乞獨坐臣罪乃詔憲赴闕令轉運使蔣之奇根
治劾罪之人及獄成憲與馬申趙濟霍翔坐奏事不實
徒二年詔憲等坐緣公事宜依德音釋之 七月十三
日李憲言乞詔秦鳳河州通遠軍五市易務博買牙
人引致蕃貨赴市易務中賣如敢私市許人告每估錢
一千官給賞錢二千如此則招來遠人可以牢籠遺利
資助邊計從之 八月十三日都提舉市易司言諸路
民以田宅抵市易錢久不能償公錢滯而不行欠戶有
監錮之患欲依令賒當在官於法當賣房廊田土重估
寔直如買坊場河渡法未輸錢間官收租課不惟少寬

欠戶禁錮而公家亦享寔利在京市易務准此從之
十二月八日都提舉市易司王居卿言歲賜州府合藥
錢乞以錢賜之半買藥於市易務從之地遠不願買者
聽 二十四日詔在京市易務官吏轉官減磨勘年賜
緡錢有差以三司言市易務去年八月至今年七月收
息錢市利錢總百三十三萬餘緡也 三年三月二十
六日詔在京及諸路販當市易司錢物出限者展一季
如限內納足本息其出限息罰錢悉蠲之 四月三日
詔兩浙路減罷耆戶長壯丁坊正并撥還支酬衙前度
牒等錢百二十餘萬緡其變市金帛輸司農寺封樁從
都丞吳雍請也 九月五日都提舉市易司王居卿言

黃歲示
舊戶

市易之法有三結保賒請一也契書金銀抵當二也買
遷物貨三也三法之中惟賒保之法行之積年逋負益
衆去歲有旨先罷結保見錢惟賒請物貨舊法未革然
尚恐久遠未便何則舊欠之戶多以出限規避不輸既
費催督又繼以再賒物貨之人勢亦如此宿貸新貫歲
增月累其間消折不能備償者十有四五則與賒取見
錢同歸于弊欲乞自今後市易務許人戶賒請物貨歲
不得過二百萬貫別置簿支收聽舊戶賒請以濟接在
京行鋪之家期以五年所收息已逾元數然後或止或
行其非舊請人戶則惟用抵當買遷二法可以無滯貨
通餘財矣其諸路市易錢各以四分為率量留一分濟

接舊戶外亦不行賒借之法乞於每歲所收息錢內量減萬數其監官等酬獎亦與降等推恩雖取息稍薄而所收皆實利庶使法行無弊詔中書戶房立法以聞已而戶房乞在京物貨許舊欠戶賒請歛而復散通欠數不得過三百萬貫諸路市易貨以四分為率以一分許舊欠戶賒請歛而復通欠數不得過一分並別置簿支收從之四年二月二十三日提舉廣南東路常平等事吳潛言廣州自置市易司七年本息錢七十四萬緡去歲驅磨欠五十五萬緡始用本錢三十萬緡今於本錢尚少十萬有餘可廢罷詔都大提舉市易司委官根究其後市易司言本路錢物繞經林顏根磨雖有通欠

然轉運司有錢二十七萬餘緡尚未撥還以此可見出
息不少會三司度支副使蹇周輔亦以為言乃詔本路
提點刑獄司催理限一年了絕五月十八日詔內外
市易司民戶見欠屋業等抵當并結保賒請錢物息罰
錢並等第除放其本錢分三季納息錢并出限罰錢分
為三分第一季本錢納足者息罰錢並放第二季放二
分第三季放一分出限尚欠即估賣抵當及監勒保人
填納所催錢物在京於市易務下界在外提舉司封樁
十二月三日前淮南東路提點刑獄范百祿通判楊
州傅辰簽書判官邵光林旦陳奉古各展磨勘二年右
班殿直張歲閏罰銅二斤歲閏監高郵縣樊良稅有

市易司經稅饒潤竹木過鎮更稅之百祿再委辰等定奪稱合盡稅市易司言百祿等意在沮壞市易法故也

八日都提舉市易司賈青乞於新舊城內外置四抵當所委官專主管罷市易上界等處抵當以便內外民戶從之 五年四月二十八日詔內外市易務錢展三年均作月限納限內罰息並除之 五月二十九日都提舉市易司賈青言市易既革去結保賒請之弊專以平準物價及金銀之類抵當誠為良法乞推抵當法行之畿縣從之 七月五日太府寺言提舉市易司狀賒貸人戶所欠至多已得旨展限三年催納其先降指揮并以催到分釐計數追奪酬獎請俟至所展三年滿日

施行之上曰朝廷市易法本要平準百貨蓋周官泉府
之政官失其職一切賒貸公府頗不便之雖云有收息
之數名存寔亡今已改用金銀鈔帛抵貨最為善法其
死催致欠官吏重行追奪亦其宜也遂從之 六年正
月十九日太府寺言抵當之法纔行於畿邑外路殊未
施行欲乞將許諸路常平司市易賒借錢及寬剩錢五
路各借十萬緡餘路各借五萬緡充抵當本錢從之
六月十一日詔撥市易下界收到市易欠錢六萬緡與
上界仍更給度僧牒千道錢十三萬緡以上界見闕本
錢故也 七年五月二十五日尚書省言自行官制以
來請寺監不治外事唯太府寺市易按與諸路相關者

詳興制市易當令所在官司量度州縣遇賤則買遇貴則賣元詔半年出息一分一年以上出二分然所在物價增減難以定期而一州一縣價所增減相去亦必不甚遠則貨或積而難售所在州縣物價不同又不能徧知今若每司令一路州軍估定物價報提舉司提舉司報轄下州州下所屬榜募人出抵當或見錢市易司收息至一分至二分令商人自賣則官已收二分之息而又有餘利以資販者則商賈流通貨無壅滯稅額叢羨物價常平若無容抵當而貨須變易者但不虧元價亦許賣詔具為令 八月二十四日詔諸路提舉常平司存留一半見錢以二分為市易抵當 八年四月八日

其作具

中書省言今年正月九日赦書應人戶市易錢物仰所屬勘會元請本息等錢并納欠數條具聞奏其息錢當議減放今在京未見有司依赦以聞監察御史劉拯兵部員外郎杜常太常少卿宋彭年赴御史臺置局點磨欠息大姓戶放七分下戶全放外以合納數關所屬催納期無欺弊聞奏六月二十一日詔戶部提轄拘催市易錢物准赦除放息外其合納本錢特與展限三年七月二日詔諸鎮寨市易抵當並罷仍立法八月八日詔諸路州軍抵當取息至薄民間緩急賴之可以存留其半市易餘並罷如抑勒依給納常平錢物法從戶部請也十一月十二日詔在京物貨場見在物貨

應輸錢者並蠲免 十八日詔蠲大姓戶所欠市易三分息錢從業祖洽請也

哲宗元祐元年正月十二日監察御史孫升言朝廷立市易之法意在抑兼并使商賈通流貨財平準物價而行法之初呂嘉問定領其事附會柄臣奮行私智引用兼并之徒杜絕商賈之利罔上壞法肆為姦欺簿帳不明首尾無據官吏隱庇曾無關防以致蠹害之酷姦弊之深貨物繞行賒請息錢已計分釐縣官所得虛名官吏皆冒寔賞先朝察知弊害廢滅殆盡自元豐四年置局催取責內外所欠九百二十一萬五千九百餘貫今近五年除放免息錢支撥皇親公人舊欠外納未及其

半其間失陷固多自京師以及四方之人破家喪身者不可勝數害及公私毒流天下者嘉問懷私壞法寔為之首詔朝散大夫光祿卿呂嘉問知淮陽軍 閏二月十八日詔戶部應諸路人戶欠市易息錢並特與除放二十八日詔應內外見監理市易官錢在京委大府寺開封府界令提點司諸路令轉運司各限一月取索逐戶元請官本點勘特計已納過息罰錢充折如已納官本即便與放免坊場淨利錢準此以上通折外尚欠官本錢并淨利而家業蕩盡及無抵保或正身并保人孤寡者權在催理及今日以前積欠免役錢與減放餘分限三年隨夏稅帶納近勘會欠負指揮勿行並從

古司諫蘇轍請也

六月十六日監察御史韓川言市

易之設就使獲利寔佐國用尚不可今所收不補所費其市易務監官監門請各留一員催納結絕從之

三年二月二十二日詔變賣市易司元豐庫物從三省請

也 紹聖三年十一月七日戶部言府界諸路折納籍

沒市易產業請依在京已得指揮限十年納元價收贖

從之 十二月二十二日詔戶部太府寺同詳熙寧立

法意復置市易務許用見錢交易收息不過二分不許

賒請監官惟立任滿賞法即不得計息理賞其餘應雜

物並不許輒有措置限十日條畫以聞從三省請也

元符三年五月市易務改名平準務 十月二十八日

尚書省勘會平準務見置官吏公人等所費請給不少
兼差官出外計置物色不無搔擾及石炭自近年官中
收買置場出賣後來在市價轉增高寔于細民不便詔
罷平準務仍今後更不官買石炭出賣其戶部太府寺
應緣平準務添置官吏及請給並罷

徽宗建中靖國元年十月二十一日戶部言內外因欠
市易錢物折納屋業田產準指揮更不出賣令人戶承
賃住佃又準今年二月十六日朝旨閑慢處屋業許行
出賣伏緣諸路市易折納田產止有肥瘠皆可耕種見
今却依衝要屋業一例不許出賣況天下戶絕田產不
以肥瘠並行出賣其市易折納田產今相度欲乞並依

戶絕田產法從之 崇寧元年六月十七日戶部言平
準之法所以制物價之輕重通財賄之有無使闢闔散
歛之權歸於公上而已它司無得與焉近者本部申請
得旨於諸路起發錢一百萬貫充本支用即日兌使漸
有數目然未有約束竊慮官司申請支借或直行取撥
則平準錢物遂見侵耗欲乞應平準務錢物官司並不
許借用或乞取撥雖奉特旨並許本部奏知不行提舉
常平司錢物準此詔申請支借取撥以違制論 二年
四月十一日戶部言蘓州人戶舊欠市易官本錢米係
熙寧元豐年所逋欠錢物元符元年赦教展限三年分
為十二季送納未足準朝旨權住催理後復准教不許

除放提舉司請再與展作二年八月詔據住催月日並
行除豁指揮到日依元降催科指揮施行外路依此
六月十八日詔府界諸縣除萬戶及雖非萬戶而路居
要緊去處市易抵當已自設官置局外其不及萬戶處
非衝要并諸鎮有監官却係商販要會處依元豐條例
並置市易抵當就委監當兼領官七月九日戶部言湖
北提舉司申縣鎮不及萬戶處雖非商旅往來興販之
地除市易務不須置外却有井邑翕集兼在避遠正民
間緩急難得見錢去處欲乞依舊存留抵當庫令逐處
官兼領看詳欲諸路並依六月十八日已降朝旨施行
從之

以上續宗會要

高宗紹興三年十二月十七日御史臺檢法官李元湑
言欲望嚴賜戒教應諸司拋買並須置場和市詔今後
軍器所宣撫安撫司合用軍須物色並仰州縣依市價
和買如諸司一面收買過物亦仰具數申尚書省即不
得抑配科擾如違並令提刑司按劾聞奏 四年二月
三日詔今後諸路州縣進奉天申節禮物並置場和買
不得於民間科配 八月三日戶部侍郎梁汝嘉言來
年諸軍百司諸司等合用春衣欲置場從本部委官依
市價和買從之 二十八年十一月二十三日南郊赦
諸路監司州縣拋買應用物色多不以時支給價錢雖
已降指揮立限支還尚慮視為文具狃習前弊仰漕臣常

切約束覺察按治監司違戾令諸司互察御史臺彈劾
仍許人戶越訴 二十九年四月二十日詔樞管激賞
庫出賣川布今後止令雜買場及臨安府置場出賣不
得抑令三衙收買 三十年八月二十五日詔今後官
告院闕少犀象軸頭並令工部申取朝廷指揮更不於
行市及市舶司收買 十月二十五日臣寮言江東諸
郡監司守將則有公庫之例屬官僚吏則有直廳之行
凡百供湏比之市價大率十虧四五蓋由市易司剥下
婚上恣為低昂夫營生之艱莫若小民終日市廛僅餬
其口在官者常有以利之猶懼不給況可瘠之以自肥
乎違制傷廉理宜痛革望飭監司郡守自今公庫私家

一作
五千四十五秤

凡金繒器用食飲之所須一切以市價為率毋循舊弊
置行并直廳從之 十二月四日權發遣嚴州樊光遠
言本州依例收買今年御爐木炭五千四百五十秤顯
塊炭二千秤均下諸縣計置買發元降指揮於添酒錢
取撥其錢隸屬經總制窠名從前不敢取撥即無價錢
支還諸縣詔與免收買而上諭輔日曰御爐炭不過冬
月欲其煖爾聞有司須限定尺寸至於要脂麻文青錫
色兩頭斧痕此復何益反以擾民不若只令臨安府每
歲收買更不須嚴州科敷陳康伯奏臣等謹當遵稟行
下